

**NUNATTA EQQARTUUSSISUUNEQARFIANI
EQQARTUUSSUTIP
ALLASSIMAFFIATA ASSILINEQARNERA**

**UDSKRIFT AF DOMBOGEN
FOR
GRØNLANDS LANDSRET**

Ulloq 11. marts 2017 Nunatta Eqqartuussisuuneqarfianit suliami

sul.nr. K 066/17

(Eqqartuussisoqarfik Qaasuitsoq sul.nr.
K 274/11)

Unnerluussisussaataasut
(J.nr. 5509-97431-00564-11)
illuatungeralugu
Unnerluutigineqartoq
Inuusok [...] 1991

oqaatigineqarpoq imaattoq

E Q Q A R T U U S S U T:

Eqqartuussisoqarfiup eqqartuussutaa

Siullermeeriffiusumi eqqartuussuteqartuuvoq Aasiaat Eqqartuussiviat ulloq 30. november 2012. Eqqartuussummi tamatumani unnerluutigineqartoq [...] pinerluttulerinermi inatsisip § 88-ianik – nakuuserneq ataasiarluni – unioqqutitsinermut pisuusutut isigineqarpoq.

Unnerluutigineqartoq eqqartuunneqarpoq ulluni 60-ini inissiisarfimmiittussangortinneqarluni.

Suliareqqitassangortitsineq aamma unnerluutigineqartup piunasaqaataa

Eqqartuussiviup eqqartuussutaa taanna oqaatigineqarniariassasoq unnerluutigineqartup eqqartuussisuuneqarfimmut suliareqqitassangortipaa piunasaqaatigalugu sakkullisaasoqasasoq, eqqartuussut utaqqisitamik eqqartuussinngortillugu ukiuni pingasuni misiligaaffili-inertalik, taamaattoqarsinnaangippat inuiaqatigiinni sulisitaasussangortitsisoqarluni.

Suliap saqqummiunneqarnera, ilanngullugit piffissaq suliap suliarineqarneranut atorneqartoq aamma unnerluussisussaataasut piumasagaataat

Politimesterip nassiussaqaatigaluni allakkiaanit 27. februarimeersumit, eqqartuussisuunneqarfimmi 3. marts 2017-imi tiguneqartumi, ersersinneqarpoq imaattoq:

”Ajuusaarnartumik kukkunikkut suliaq suliarineqarani Aasianni Politiini uninngasimavoq, maluginiarneqarsimanani suliaq suliareqqitassanngortinneqarnikuusoq. Taamaattumik unnerluussisussaataasut piumasagaatigaattaq sakkukillisaasoqassasoq, tassa ulluni 60-imi inissiisarfimmiittussanngortitsisoqarluni utaqqisitamik. Unnerluutigineqartoq unnerluussisussaataasullu assigiimmik piumasagaateqarmata suliarlu pineqaatissiisummik sivisussusiliinissamut tunngasuummat innersuussutigissavara suliaq allakkatigut suliarineqassasoq.

Suliaq allakkatigut suliarineqarsinnaanngippat innersuussutigissavara suliaq televideo atorlugu inaarutaasumik suliarineqassasoq, tassami pineqaatissiisummik sivisussusiliinissamik suliareqqitassanngortitsineq pineqarpoq aamma unnerluussisussaataasut ilisimannittunik sarssartitsinissamik kissaateqanngillat”.

Allakkatigut suliaqarneq

Suliap allakkatigut tunngavigisat pigineqartut aallaavigalugit suliarineqarnissaa eqqartuussisuunneqarfiup eqqarsarnartoqartinngilaa.

Pissutsit naaportorlugit suliaq suliarineqarpoq illersuisumik ivertitsisoqaranilu.

Nunatta Eqqartuussisuunneqarfiata tunngavilersuutaa inerniliineralu

Nakuusernerup piliarineqartup annertussusaa unnerluutigineqartullu inuttut atugai pillugit paasissutissiissutigineqartut tunngavigalugit eqqartuussiviup pineqaatissiissutigeqqaarsimasaa eqqartuussisuunneqarfiup tulluartausoraa.

Eqqarsaatigineqarluni unnerluutigineqartoq pisimasut 2011-mi septembarimi piliarineqarsimasut eqqartuussivimmi eqqartuussutigineqartut kingorna pinerloqqissimanngitsoq aamma piffissaq suliap suliarineqarneranut atorneqartoq eqqarsaatigalugu, eqqartuussisuunneqarfik qaqutigoortumik isumaqarpoq suliaq pineqaatissiissutitaqanngitsumik aalajangiivigineqartariaqartoq, naleqq. pinerluttulerinermi inatsimmi § 121 imm. 2

TAAMAATTUMIK EQQORTUUTINNEQARPOQ:

Aasiaat Eqqartuussiviata eqqartuussutaa allanngortinneqarpoq taamaalilluni pineqaatissis-soqarani.

Den 11. marts 2017 blev af Grønlands Landsret i sagen

sagl.nr. K 066/17

(Qaasuitsup Kredsrets sagl.nr.
K 274/11)

Anklagemyndigheden
(J.nr. 5509-97431-00564-11)
mod
Tiltalte
Født [...] 1991

afsagt sålydende

D O M:

Kredsrettens dom

Dom i første instans blev afsagt af Aasiaat Kredsret den 30. november 2012. Ved dommen blev tiltalte [...] anset skyldig i overtrædelse af kriminallovens § 88 - vold i 1 tilfælde.

Tiltalte blev idømt anstalt i 60 dage.

Anke og tiltaltes påstand

Kredsrettens dom er af tiltalte straks ved domsafsigelsen anket til landsretten med påstand om formildelse til betinget dom med en prøvetid på 3 år, subsidiært samfundstjeneste.

Sagsfremstilling herunder sagsbehandlingstid og anklagemyndighedens påstand

Det fremgår følgende af politimesterens fremsendelsesskrivelse af 27. februar modtaget i landsretten 3. marts 2017:

”Ved en beklagelig fejl har sagen ligget ubehandlet hos Politiet i Aasiaat, hvor man ikke har været opmærksom på, at sagen var anket. Anklagemyndigheden påstår derfor ligeledes formildelse, dvs. 60 dages betinget anstaltsanbringelse. Idet tiltalte og anklagemyndigheden har samme påstand og sagen er en udmålingsanke, skal jeg indstille, at sagen bliver behandlet på skriftligt grundlag.

Såfremt sagen ikke kan behandles på skriftligt grundlag, skal jeg indstille, at sagen kan hovedforhandles ved brug af tele-video, idet der er tale om en udmålingsanke, og anklagemyndigheden ikke har en begæring om vidneførsel”.

Skriftlig behandling

Landsretten har fundet det ubetænkeligt at behandle sagen på det foreliggende skriftlige grundlag.

Efter omstændighederne er sagen behandlet uden beskikkelse af forsvarer.

Landsrettens begrundelse og resultat

Efter omfanget af den begåede vold og det oplyste om tiltaltes personlige forhold finder landsretten den af kredsretten oprindeligt fastsatte foranstaltning passende.

Henset til, at der ikke foreligger oplysninger om, at tiltalte har begået nye forhold siden det ved kredsrettens dom pådømte forhold blev begået i september 2011 og når henses til sagsbehandlingstiden finder landsretten undtagelsesvist, at sagen bør afgøres uden fastsættelse af foranstaltning jf. kriminallovens § 121 stk. 2

THI KENDES FOR RET:

Aasiaat Kredsrets dom ændres således at der ikke fastsættes nogen foranstaltning.

Søren Søndergård Hansen

[...]